



計部奏疏

卷之十 浙江 湖廣
陝西 廣東 廣西
河南 江西 山西 冊庫



計部奏疏目錄卷之十

浙江司

浙省災侵可憫疏

災民啼饑望賑疏

湖廣司

督餉事竣疏

小民之濫賦難堪疏

陝西

議處解餉疏

捐俸助工疏

川餉議留秦邊大困疏

捐俸助工疏

議慶解京銀兩疏

摺括賞剩銀兩疏

廣東司

遵舊例嚴責成以足國儲疏

廣西司

考覈司屬官員疏

清理額派未支銀兩疏

摘議巡青要務疏

河南司

陳愚見備賑荒疏

江西司

宗祿勢難再加疏

山西司

三晉危形已著疏

黔瘠異常窮山坐困疏

言音考別錄
搗師製器設處計窮疏

邊鎮告急日甚疏

國計匱極嚴催事例銀兩事

兵馬單弱異常疏

宣餉積欠愈甚疏

冊庫

庫支日增外解日緩疏

邊儲匱乏已極疏

蒙 恩簡拔敬竭芻蕘疏

太子太保戶部尚書臣李

等謹

題為浙省災祲可憫徐倉米折難蠲謹據實奏

聞伏祈

勅部議覆照舊徵解以足軍需以濟運務事浙江清

吏司案呈於天啓五年二月二十四日奉本部

送戶科抄出總督漕運提督軍務巡撫鳳陽等

處地方兼理海防戶部右侍郎兼都察院右僉

都御史呂 題前事等因於天啓五年二月

二十一日奉

聖旨戶部知道欽此抄出到部送司案呈到部該臣
等看得浙省杭嘉湖三府所轄十七州縣每歲
額解徐州永福倉米折銀九千七十二兩該省
撫臣以茲土民罹災傷請暫免俟成熟補徵前
部臣以事關總漕已經具疏奉

旨咨行彼處徑自具覆去後今總漕臣以徐倉米折
乃徐左貳衛官軍俸鈔之需又東省中州二省
運軍行月之糧數不得虧勢不容緩即有災傷
毋容輕議照舊徵解庶軍需運事均克有濟既

經具題前來相應議覆恭候

命下臣部行文漕運衙門及咨浙江巡撫轉行司府
州縣即將額解徐倉米折銀兩照舊徵解一體
欽遵施行等因於天啓五年三月十二日具題

本月十五日奉

聖旨是徐倉米折銀兩着照舊徵解欽此

太子太保戶部尚書臣李

等謹

題為災民啼饑望賑仁賢破格好施懇乞

天恩特賜褒嘉以示風勵事浙江清吏司案呈天啓
五年十月二十日奉本部送戶科抄出浙江巡
撫劉可法巡按劉之待會題前事內稱原任南
京工部尚書太子少保丁賓懷忠抱義修德行
仁在昔戊子己丑戊申時值大祲捐金賑濟全
活以萬數茲復目擊鄉鄰餓殍散米二千七百
餘石復捐銀三千兩以抵槩縣窮丁之糧有此

救時之臣而不題

請旌異

恩賜褒嘉其何以勸好義而風天下哉等因十月十

六日奉

聖旨該部知道欽此欽遵抄出到部送司案呈到部

該部知道欽此欽遵抄出到部送司案呈到部

活已歷見于先年捐有施捨復重惠乎今日二

千七百餘米起瘠回生三千輸入縣帑振窮裕

國有此惠施之德宜應崇隆之褒又逢

廟大慶 恩詔覃頒視尋常品秩更當優異既經

具題前來相應覆

請恭候

命下將原任太子少保南京工部尚書丁賓量加太

子太保官銜

賜給扁額容臣部行文該省撫按衙門令自辦建坊

仍移文吏部一體欽遵用旌愛民護

國之勲以為行仁好義之倡等因天啓五年十一

月十六日具題本月二十一日奉

聖旨丁賓好義施仁准加太子太保賜扁褒嘉仍行
諛撫按令其自辦建坊以示風勵該部知道欽此

太子太保戶部尚書臣李

等謹

題為督餉事竣謹按湖廣加派完欠遵例分別勸
懲以足軍需事湖廣清吏司案呈天啓五年五
月十八日奉本部送戶科抄出督理川湖貴糧
餉監察御史丘兆麟題前事內稱湖廣加派原
係照糧除木政等銀抵補外實諒五十一萬八
千九百零已報解沅庫並各屬召兵買米等項
共完銀四十七萬一千七百一十二兩七錢未
完銀止四萬二千二百二十九兩六錢又完過

三年以前舊餉解沉銀一十一萬八千五百兩
本年完解新舊折筭完已溢額左布政使李春
茂右布政使楊楷當黔望餉如渴之際乃能督
率有司設法完解真為體

國急公雖經疏薦仍應紀錄優擢以勵後効其餘
知府通判知州知縣等官周頌等八十員均應
一併紀錄知縣楊道相未完數多本當重處但
念新餉報解頗完又係去年二月到任姑量罰
治以警息玩等因五月十四日奉

聖旨戶部知道欽此五月二十七日續奉本部送戶
科抄出本官題為楚餉雖督已竣楚事尚有可
言臣敢於出境之日再為地方一控陳事內條
議民窮而無可戀之土官累而無可課之功兵
弛而無可恃之備地瘠而有當平之賦地衝而
有當恤之差餉虛而有當實之數六款等因五
月十五日奉

聖旨該部知道欽此六月二十日又奉本部送戶科
抄出巡按湖廣監察御史陸獻明題為水國極

傷積年極逋懇乞

俯從未議復餉舊額以續斷命事內稱岳屬六縣加
派糧米照長沙減例每石止派一錢五分麻城
之虛糧上所派一錢二分并行除豁等因六月
十四日奉

聖旨該部知道欽此欽遵通抄到部送司查得三疏
均屬楚省

國課民瘼相應總覆案呈到部臣等者得餉臣丘
兆麟督餉事竣將湖廣徵解加派司府州縣布

政等官李春茂等八十三員查其完欠分別殿
最上

請紀錄罰治以勵後效相應依擬移咨吏部將布政
李春茂楊楷府州縣等官周頌劉兆昆常康邢
祚昌郭澆儲顯祚謝宗澤林文熊蔣芳鏞張光
奎李時啓楊時隆關管李宸詔吳廷諫樊來聘
余猶龍李嶸慈馬夢箕李時蕃李應公韓相曹
應聘吳炳王廷錢王家相張大治梁鳳翔孔榮
宗趙洪範邵元凱徐澤任僕潘振宗陳夢琬胡

如川王先胤夏之彥游定國傅永淳梁仕隆蕭
時中吳應星樊一蘅林彥樞黃昌周士麒王繼
康陸昌祚王興化王履泰車夢瑤周其昌彭堦
王秉乾楊通宇鄧元忠李士昌熊之彥喻應問
袁耀然徐天斗朱汝登田化霖段九章陳維泰
郁成治劉從敏李時開彭先儒鄒毓祚黃金礪
陳鳴郊周道隆陳周產汪夢尹朱天繼陳一葵
高文煥趙海八十二員一併紀錄楊道相一員
量行罰俸三個月其條議楚省利害六款內除

官累而無可課之功兵弛而無可恃之備二款
應聽吏兵兩部擬覆外民窮而無可戀之土然
民無恒產自無恒心廬舍既無將何繫恋據議
以冬作之餘諭令于茅索絢以為一勞永逸之
計誠為有見相應依擬責令地方官提斯警覺
諭民築室安居有常業可守永杜轉移之門地
衝而有當恤之差據議夫馬疲累在驛而不在
農虞其受累不過盡驛迹走不免僉報于農與
其買免買豁索貼索封帶還以夫馬之病病農不

若直截明于武陵桃源沅陵沅州四州縣各戶
增派五分則割農未至於痛而濟驛可免於疲
此誠斟酌調劑之良法似應俯准以蘇驛遞之
困地瘠而有當平之賦蓋楚省加派元年以前
照畝因有過重諒省撫按題請改而照糧孰知
照糧亦有不均者如長沙照畝七萬照糧乃至
十七萬鄖陽照畝四萬照糧止得四千據稱岳
州加派過重夫豈無過輕如鄖陽者何不比而
同之欲均其賦是在諒省撫按藩司參酌于畝

與糧之間非臣部所能均平而使之也餉虛
而有當實之數湖廣田地共八十二萬四千九
百七十頃每畝九厘加派諒銀七十四萬餘兩
改從照糧之後減去潞庄長沙共九萬兩今實
額六十五萬二千四百七十六兩其中有木政
銀十萬餘兩湊抵又辰常靖以黔變震隣免其
加派一半諒二萬一千有零而以神奸侵欺庫
銀三十餘萬內扣補此皆諒省舊撫

請本部覆

准遵行者今稱二項俱屬烏有止徵實銀五十一萬八千欲臣部直截痛快為楚民覆減此數庶考成內與外得確行叅罰解撥川與黔無互爭其虛實不知木政神奸等銀原非派之土田豈可槩為有司考成其當從五十一萬之數以查完欠無疑也但六十五萬之數四年以前已撥川黔則在川黔為政餉臣既謂可減亦必有以處此者五年以後未經撥給者則在該省設處以抵此額本部未敢盡許也况前撫之議抵豈徒空言而新撫之調劑定有後效雜項之額雖有稍浮前議以鑄息等項抵足亦該省勉而行之耳至于按臣陸獻明所稱華容災荒此但可寬其叅罰似不得減其加派麻城之官米兼派事誠未妥然亦該縣自為料理非臣部之所能瑣瑣也既經餉按二臣題議前來相應覆

請恭候

命下臣部移咨湖廣偏沅各巡撫及咨都察院轉行該省巡按御史遵照施行仍咨吏部知會等因

言
天啓五年七月十八日具題本月二十一日奉
聖旨是欽此

太子太保戶部尚書臣李

等謹

題為小民之溢賦難堪奸吏之浮派有據謹因楚
省南折一事據實上

聞懇乞

聖明申蠹

國虐民之法懲一警百以重

邦本事湖廣清吏司案呈奉本部送據湖廣百姓

吳亨三等呈為吏書枉法蠹

國虐民事內稱本省南糧原額正米二十六萬石

外耗每石二斗五升正耗共米三十二萬五千石如奉

明旨改徵銀兩每石連耗米在內折銀五錢共該折銀一十三萬兩遭藩司糧吏將正耗脚米各折五錢合計一十八萬二千兩比

太祖原額外每年多派銀五萬二千兩赴南部查例蒙南部行文並無違

太祖舊制額外橫徵抄白粘運可驗復奔北部清查止有積造呈部印冊仍遵舊制乞准請

旨移文院司遵照

太祖舊制禁止濫派等情并粘連南部咨抄到部送司查得南糧改折其初始于新餉司折作遼餉蓋係四十六八兩年天啓元年而後係貴州司折作黔餉並非本司承行今將兩司原案通查案呈到部諛臣等查得湖廣一省南糧先因遼餉不足于四十六年題

請查照隆慶三年依額派數目暫徵折色之例改折二年解充遼餉後據湖廣布政司冊開改折四

言音奏疏
十六八兩年亦未言折及耗米及天啓二年因
黔蜀之亂請

旨會議糧餉

廷臣始有議及耗米蓆竹安家行月糧故臣部于
黔滇數省交急疏內有南糧改折十三萬一欸
又耗米蓆竹安家行月糧共七萬六千一欸此
在當日前任尚書汪應蛟據寺臣朱光祚之手
冊而入之條議者嗣後該省屢稱無行月糧止
肯認耗蓆等銀四萬二千八百八十七兩五錢

三分即臣部屢次駁查且又議及六八兩年耗
蓆之折而該省亦未見分析米折若干耗折若
若干共該南折若干以相回覆及今天啓五年該
布政司入

云委無此數故臣部署事左侍郎陳所學黔局壞
于垂成疏內蓆耗止開五萬七千六百一十六
兩今據楚民吳亨三之告謂

舊制耗米不當改折而南部咨抄謂每米一石折銀
五錢而耗米在內想即亦隆慶三年之事而今執

之以為例者也今臣細查其數俱相牴牾先是
臣部初派七萬二千兩川貴總督據湖廣布政
司詳實該四萬二千八百八十餘兩吳亨三告
多派五萬二千兩臣部今年改正實數五萬七
千六百一十六兩該布政司朝

覲冊內止開二三等年南糧改折一十三萬兩并不
開耗折然則該司之所稱四萬二千八百八十
餘兩即總在一十三萬之內而今每年之多派
五萬二千兩乃復在十三萬之外明係奸吏明

加暗侵蓋自楚餉改為黔餉而該省每年所解
銀數之多寡項款之條分未嘗一一具報臣部
故吏書遂得因緣作弊而徵派莫可稽查是以
或冊或揭既多寡之不齊復前後之互異
今據南部咨楚撫按之文曰查額派折色每米
一石折銀五錢而耗米在內謂銀與米異既無
折耗又無腐爛自不必折耗據該司

覲冊亦止一十三萬乃是奸宄吏胥多派五萬二千
兩任意高下其手楚民利膚之餘寧能堪此侵

噬耶又以臣所聞臣部帶買海米一項每米一石議照時價此原令各地方平糶銀內或即于新餉銀內扣筭部文甚明而廣濟黃梅諸縣在元二等年俱于加派新餉之外着令每里另納米一石又耗米一石又派腳價包蓆等銀吏胥作奸無天無日乃至于此小民何知惟有吞聲輸納而已此不當行撫按一併嚴訊乎但南糧原係南部職掌而臣部借用者今一憑之南部而情弊有無立窮矣相應題

請恭候

命下臣部行文南部并

勅湖廣撫按嚴檄布政司即將多派銀兩奉何明文起何年月徵收過若干盡以抵完過各縣六年分新餉并將額外徵收過海米下檄各府縣查係何官吏管徵一一研審奏

報以後凡一應錢糧俱要遵依部題刻立易知頒示小民令小民有所遵守奸吏不致蠹民盜國臣等可勝待

命之至等因于天啓五年十一月二十七日具題十
二月初一日奉

聖旨是欽此

太子太保戶部尚書臣李

等謹

題為議處軍餉以固封疆事陝西清吏司案呈天

啓五年三月初八日奉本部送戶科抄出總督
陝西三邊軍務兼理糧餉兵部右侍郎兼都察
院右僉都御史李從心會同巡撫陝西都察院
右僉都御史宋槃巡撫延綏都察院右僉都御
史翟鳳翀巡按陝西監察御史蔣允儀題前事
天啓五年三月初五日奉

聖旨戶部知道欽此欽遵抄出到部送司案呈到部

看得往歲套虜入犯延安掠傷甚慘本省京紳
題

請添兵設將扼要據險蓋桑土之深思而固圍之至
計也先諫本部議覆題奉

欽依將本部羨餘銀二萬三千七百九十三兩五錢
四分并延慶二府人役抽扣工食聽彼中留用
充給新設兵馬月餉之用等因通行在卷今諫
督撫按題稱前發羨金垂盡屈指九月便是懸
罄告匱延兵枵腹之時查諫省錢息歲以萬計

宜留其半以抵遼餉用以存當日之議分其半
以充延餉用以濟今日之窮并以諫府人役抽
扣銀三千二十一兩七錢以足八千五百二十
一兩之數以充延餉歲額之用蓋以本省生息
之資財供本省備禦之費上不虧
國之額下不朘民之膏其計至便况且為數不多
合應准從相應覆

請恭候

命下本部移咨陝西督撫按臣一體欽遵施行等因

於天啓五年三月二十三日具題本月二十六日奉

聖旨是欽此

太子太保戶部尚書臣李

等謹

題為捐俸助工事陝西清吏司案呈奉本部送據
司照二廳司務等官傅稟直等并山東等十三
清吏司即中區龍禎等員外郎王若之等主事
錢天錫等共八十四員呈前事內稱

三殿肇興 輪奐伊始 兩宗未竟之締造于此宏

開 萬國再煥之朝宗從茲壯麗職等濫竽即
署義切子來適當中外匱竭之餘慚無公私並
濟之計惟念涓埃常俸總屬 高厚鴻恩即在

居恒無事尚媿素餐矧值鳩庀方殷豈宜安享
用是謹捐微祿少効寸忱伏乞俯賜代題容職
等引分後食自五年四月初一日為始各扣俸
銀一年解赴工部支用等因到臣諒臣者得
宸居鼎建萬國攸同凡為臣子誰無趨事之誠急公
之誼固不以庶僚而獨後也雖勺流杯土知無
裨于 崇深而積忝累銖亦自傾夫葵藿既經
具呈前來相應題

請恭候

命下臣部多咨工部一體欽遵施行等因天啓五年
五月初六日具題初九日奉
聖旨捐俸銀兩你部即移咨工部一體查收欽此

太子太保戶部尚書臣李

等謹

題為川餉議留秦邊大困懇乞

聖明速補缺額銀兩併還京運以救饑軍以安衝疆
事陝西清吏司案呈天啓五年五月二十日奉
本部送戶科抄出巡撫陝西等處地方都察院
右僉都御史宋槃題稱前事天啓五年五月十
六日奉

聖旨戶部知道欽此欽遵抄出到部送司案呈到部
看得四川額設解京銀兩內有十萬四百三十

五兩二錢改解陝西延寧甘固四鎮即作太倉
京運額餉實發之數當日原因蜀去京遠輸輓
也難與秦接壤轉運也易為是便宜之計而
京運之應發四鎮者照數扣留則此錙錙銖銖
皆為秦軍額餉孰意改解之後蜀竟視為協濟
年年逋負自四十二年起至天啓元年止節欠
延鎮銀十二萬七千兩寧鎮銀三萬八千兩甘
鎮銀六萬兩固鎮銀十七萬八千四十六兩四
錢共積欠至四十餘萬臣總督三邊時曾屢疏

催請而積逋如故至天啓二年臣部以蜀省有
變措餉為艱議留免解矣天啓三年以南台臣
之疏又留矣天啓四年以蜀撫之疏又留矣存
萬三年共欠秦邊額銀三十一萬有奇軍士枵
腹荷戈宜撫臣欲復京運之舊制為經久可行
之便計也今幸而蜀事蕩平臣部見秦中缺餉
已久此項銀兩今年暫令改解陝西以充軍餉
顧始事本為便蜀曾不數年反以累秦若仍令
蜀以此餉解秦畢竟秦越相視必無完解之日

言奇奏疏
以秦待解于蜀終為西江激水無救涸鮒之困
除今年臣部已奉

明旨無容再議外合無自六年為始此後四川之應
解京者仍歸之解京臣部之應發秦者仍照舊
發秦庶蜀之催科完欠臣得按籍而稽照例參
罰秦之緩急有無臣亦得持籌而計按季給發
將見士馬有飽騰之日而危邊免饑餒之虞既
經題請前來相應議覆恭候

命下臣部欽遵施行等因於天啓五年九月十九日

具題本月二十二日奉

聖旨是欽此

太子太保戶部尚書臣李

等謹

題為捐俸助工事陝西清吏司案呈奉本部送據
浙江等清吏司郎中康爾韞等員外郎張志芳
等主事張抑之等司務廳司務陳開泰共十七
員呈稱照得本部各司郎中等官於本年五月
內該本部具題各捐俸助

大工外職等俱係續到部者雖履任未久而念急公
集議各自備俸銀二十兩捐助

大工以盡臣子之義伏乞代題等因到部送司案呈

言音奏疏
到部看得

宸居鼎建經費不貲諸凡內外大小臣工莫不各有輸將共襄

盛典今臣屬卽中等官康爾韞等俱係續任之員咸切急公之義亦願捐助

大工且念庫藏空乏不敢預支於先各欲自備于已計官一十七員計捐俸銀三百四十兩雖勺流杯土知無補于

高深而仰止

朝宗聊自效夫葵藿但職微人衆臣應彙題既經具呈前來相應題

請恭候

命下臣部移文督工衙門一體欽遵查收施行等因天啓五年十月十七日具題二十日奉

聖旨捐俸助工具見急公該部知道欽此

太子太保戶部尚書臣李

等謹

題為議處解京銀兩就便移發以省勞費事陝西
清吏司案呈天啓六年正月二十九日奉本部
送戶科抄出巡按陝西監察御史劉其忠題稱
按屬每歲贓罰銀二千四百兩向抵甘鎮年例
今議改抵固鎮臨營軍餉徑解臨洮監收官收
給立簿稽查以防乾沒其甘鎮餉額仍照舊全
發等因天啓六年正月二十二日奉

聖旨戶部知道欽此欽遵抄出到部送司案呈到部

看得陝西巡按贓罰銀二千四百兩從來徑解
甘肅管糧郎中衙門收貯扣抵甘肅鎮京運應
發年例之數遵行已久今按臣目擊臨營缺餉
至極疏題前項贓罰銀兩就便改解臨營及查
臨營原屬固鎮自當于固原鎮京運年例銀內
照數扣除至于甘肅鎮年例仍應照數給發不
必題扣改解臨營甘肅免扣以六年為始那彼
與此酌盈濟虛不過一時變通之權非于原額
之外有增減也既經該司查呈前因相應依議

覆

請恭候

命下本部移咨各該督撫衙門及咨都察院轉行陝
西巡按御史一體欽遵施行等因天啓六年二
月初九日具題本月十一日奉

聖旨是欽此

太子太保戶部尚書臣李 等謹

題為摻括賞剩銀兩謹據數恭報以祈
聖斷以充

國用事陝西清吏司案呈天啓六年正月二十九
日奉本部送戶科抄出巡撫陝西等處地方替
理軍務都察院右副都御史喬應甲題稱該臣
批據慶陽府申稱查出庫貯扣剩遊守二營臨
賞不到軍丁

皇賞銀一千二百六十二兩四錢不經查盤可助

大工等因到臣已經批行布政司查議去後今據呈
稱查得此項銀兩已報戶部抵作年例等因據
此諛臣看得此銀既係

恩賞軍士餘剩之數仍應抵充 公家正項之需第

恐年深失記置之無用而摻括及此何敢不為
皇上實告事關錢糧相應具題伏乞

勅下戶部再加酌議將前賞剩銀一千二百六十二
兩四錢或充年例或助

大工庶上有明文而下知遵守等因天啓六年正月

二十二日奉

聖旨戶部知道欽此欽遵抄出到部送司案呈到部
看得各鎮犒賞餘剩銀兩皆報部抵充年例從
來舊矣今陝撫摻括前項

皇賞餘剩銀一千二百六十二兩四錢未經題扣見
貯府庫值此

大工繁興中外捐助得一分即濟一分之用既經題
議前來相應覆

請恭候

命下臣部移咨督撫衙門及劄太倉銀庫于應發固
原鎮天啓六年春季年例銀內照數扣留一千
二百六十二兩四錢就便解助

大工將慶陽府貯庫犒賞餘剩銀一千二百六十二
兩四錢徑解固原鎮抵作天啓六年分春季年
例事屬兩便等因天啓六年二月二十日具題
本月二十三日奉

聖旨是依議行欽此

太子太保戶部尚書李

等謹

題為遵 舊例嚴責成以足

國儲事廣東清吏司案呈准浙江等十三清吏司
付開浙江等十三布政使司并南北直隸順天
等府州縣自天啓元年起至天啓三年止已未
完錢糧數目文冊到司卷查節年題

准事例州縣見徵錢糧俱要盡數通完總計十分為
率未完二分以上住俸督催未完四分以上降
俸二級戴罪督催其住俸降俸等官雖遇行取

陞遷俱不准起送通候完至九分以上任俸者
方准開俸仍將住過日期查照補支降俸者准
復原俸止以完報之日為始未完六分以上各
降二級起送吏部調用未完八分以上俱革職
為民其司府掌印管糧等官總計所屬州縣完
欠分數一體查叅其署印官止以署事月日計
其錢糧完欠分數各量加罰治如未完二分以
上者罰俸二個月未完四分以上者罰俸四個
月未完六分以上者罰俸半年未完八分以上

者止于罰俸一年陞任調任者行見任衙門罰
俸萬曆三十八年十二月內署部事都察院右
都御史孫 議立考成新例凡州縣印糧官
如欠一分者住俸督催二分三分者降俸二級
四分五分者降職二級俱戴罪督催六分七分
者即降職二級起送吏部調用八分者革職為
民災疫地方照例減等俱經題奉

欽依通行欽遵去後照得時方多故非天下諸有司
急公體 國軍需何以望克非本部督率嚴行

言音考
人心何繇知奮故節經部科條議

大計事竣隨行叅罰蓋以司府來

朝俱有總冊投部其中完欠之數了然可據莫之能迹也今查各省直自天啓元年至天啓三年止各項錢糧皆據冊查筭明白其徵收不及分數官員呈乞分別叅罰案呈到部看得今海內軍興日繁帑藏日匱所恃以內安外攘者惟是則壤之賦歲相灌輸耳諸有司誰非王臣敢漠然不以公家之事為急如冊開未完諸官非嚴行叅罰何以示懲既經該司具呈前來相應照例題叅以飭

國計臣又惟總天下錢穀之任者臣部也分而筦一省之錢穀者各布政司也又分而筦一郡之錢穀者各知府也其間協贊藩臬之事而尊據郡縣之上者各守巡兩道也臣近疏欲將守巡道併入考成其說已詳蓋合計之而一府所屬內州縣錢糧不完即係該道與知府不職再合計之而一省內各府錢糧不完即係布政使不

職臣部舉得以畫一之法問而加之乃每三年考成藩司冊內所開正印官皆無幾何率以署印州佐教官丞簿典史充之使臣部考成之法僅行呵責于么麼小吏徒費筆楮

法令等于弁髦非矣請自今以後凡藩司報冊于未完項下務開載府州縣正官職名不得再開丞簿以下各官臣部總稽分数在各省俱考成布政使及守巡兩道在兩直隸俱考成各諛道及各府知府定照未完嚴叅不敢姑息蓋向來俱以避怨市恩顧情惜面養成苟且因循世界上貽軍

國然眉之憂若再泛泛沓沓安用主計者為臣義所不敢出也更希

天語叮嚀申飭以便嚴行今次仍姑照原開職名除雲南貴州廣西三省錢糧原係存留併各省直完及分数者俱免叅外其未完一分以上至未完八九分以上者內除考察降黜去任及丁憂事故等項悉免追論今將見任陞任調任官共

計一百六十員分別酌議開列上

請恭候

命下本部通行各該撫按衙門將見任掌印管糧官
未完分数查照節年題

准事例分別施行仍勒限三月之內全完如違限不
到即將司道府各官一體查叅其住俸降職等
官本部移咨吏部雖行取陞遷給繇不准起送
候完至九分以上撫按官查明具奏方准開復
俸級其未完四分五分應降二級各官自縣丞

主簿以下照萬曆二年事例降職二級仍令在
地方管事不作實歷典史無級可降與教官署
印一年以外經徵錢糧不及分数者俱不許支
俸通候完至九分之上方准復原降俸級其見
被叅各官內有陞任調任應罰俸者悉行見任
地方撫按官查照遵行等因天啓五年三月二
十六日具題二十九日奉

聖旨是欽此

太子太保戶部尚書臣李

等謹

題為考覈司屬官員事廣西清吏司案呈奉本部
送據浙江清吏司主事洪周祿呈稱奉本部劄
付仰職管理太倉銀庫遵於天啓四年七月初
十日與前任員外郎韓國藩交代起至天啓五
年七月初九日止週歲差滿已經預呈題

請委官交代所有收放過各項銀錢數目并老庫銀
兩會同巡視逐一盤兌明白於初十日俱交與
接管主事郭廣管理訖為照庫務事竣例應考

言考
三十四
覈今將收放過銀錢數目理合具呈伏乞照詳
施行計開共收過稅糧等銀二百九十七萬二
千八百六十九兩五錢七厘一毫漕折銀三十
三萬二千一百九十一兩二分六厘九毫京糧
銀三十五萬九千七十四兩六錢八分四厘二
毫一絲六忽銅錢一萬一千九百二十八萬七
千二十五文又據本官呈稱為瀝報節省附餘
以助

大工事天啓四年七月內欽奉

聖恩管理太倉銀庫一年差滿職實匪材度支金署
愧未有生財之大道抑豈無樽節之微忱今春
以各州縣入

覲之後署印者催徵用緩外解拖欠甚多解運者少
庫藏匱乏已極各邊鎮額餉不敷且又新增正
月米折銀十四萬兩黔餉五萬兩幫支新庫山
海關遼餉十萬兩紗花撫賞二萬兩皆職任內
額外新增者也日夕兢兢防漏卮裁冗役凡於
收放之際入不過針出必對線惟期協於公平

如大綻以千萬計者令解官委官眼同兌領不敢有纖毫差謬即欲羨餘亦無處可得惟於尾秤碎銀零星支放錙銖湊合積少成多一年之內除正項錢糧交盤清楚外得羨餘銀一千七百二十兩懇乞上呈為

皇上大工之用雖涓埃無補於高深亦少效于來之曝暵等因到部送司案查萬曆七年七月內准兵部咨該本部議題以後內外各差應考官員公謹廉慎者為稱職移咨吏部優錄平常無過

者准復職敘遷怠玩貪縱顯著者或不時查參或回部考察照罷軟不及不謹等例分別降黜等因奉

神宗皇帝聖旨這舊例考覈及今議應考各官差滿回部務要着實從公考覈毋事姑息南京各差部屬官也照這例行欽此通行欽遵去後今照原管太倉銀庫主事洪周祿已經差滿例應考覈案呈到部看得本官器宇安閑執持堅定長才軌稔百鍊粹守凜於四知所稱公勤廉慎應紀錄

者相應題

請恭候

命下准令本官復職查將任內所積附餘銀一千七百二十兩照數恭

進以助

大工之用仍咨吏部紀錄施行等因天啓五年七月二十六日具題本月二十九日奉

聖旨是洪周祿准復職任內積餘銀兩照數進收以助大工仍咨吏部紀錄欽此

太子太保戶部尚書臣李

等謹

題為清理額派未支銀兩再申巡視前

請以充

大工急需以免日後蠹弊事廣西清吏司案呈天啓五年九月初六日奉本部送戶科抄出光祿寺卿吳 題前事等因九月初一日奉

聖旨戶工兩部查核議覆其馮洪冒領銀兩俟刑部追完之日一併解督工衙門應用欽此欽遵抄出到部送司查得光祿寺錢鈔銀兩先談江西道

監察御史周昌晉題充邊餉本部覆奉

欽依下部今光祿寺又請為營繕之需相應遵

旨議覆案呈到部照得臣部歲諒發光祿寺錢鈔銀

一萬七千兩自天啓元年夏季起至四年冬季

止共計銀五萬六千五百七十九兩零向在臣

部未給頃御史周慮日久之乾沒念軍儲

之空虚請將此銀盡充邊餉臣隨具覆幸蒙

俞允夫當此太倉空匱九邊舊餉積欠至四百餘萬

榆關新餉歲欠至二百餘萬而滇黔海外交索

餉銀更難數計攢眉仰屋計無所之雖銖兩亦

難措辦而得此五萬有餘之金湊放邊餉則軍

士之投醪何非

皇仁之浩蕩乃寺臣吳未見前台臣之疏臣部

已奉有充餉之

旨因鑒馮洪冒領作弊復

請與工部油紅等銀用助

殿工意恐此銀止以資他耗也隨奉有查覈之

旨豈非以戶工各有所急

言音考別
聖明洞鑒固已審耶臣伏查臣疏與寺臣之疏俱奉
命于九月初一日而

皇上批旨于臣疏則曰是于寺臣疏則曰查覈具覆
蓋明知臣部之匱此銀已充餉用而非儲庫以
待領也又明知

大工萬分緊急而不欲專用之軍餉也軍餉之充益
不可緩

明綸之渙亦不可反所以令臣查覈耳然臣軍

國之計固所關心而急公之義寧敢獨後於同日

共奉之

旨悉心仰體於軍餉

大工勢難兼顧之銀再四籌度惟將充餉銀內將二
萬六千兩恭

進以佐

殿工之用則寺臣之心與臣之心可皆少盡而

皇上重堂構之念與重封疆之念可並慰矣恭候

命下臣部欽遵施行等因天啓五年十月十四日具

題本月十七日奉

聖旨是欽此

太子太保戶部尚書臣李

等謹

題為摘議巡青要務以紓民財以仰裨

國計萬一事廣西清吏司案呈天啓五年十二月

十九日奉本部送戶科抄出刑科等衙門左給

事中等官段國璋等題稱准奉本衙門關接管

巡青除遵行外臣等於本年十二月初四日會

同戶部山東等清吏司員外郎朱明時等前往

壩大二十四馬牛羊房等處將見在駝馬羸驢

牛羊等畜逐一查驗得臆壯馬一千二百二十

言
二匹駝一十一隻羸一十三頭驢六百一十七
頭牛二百六十五隻羊二百九十隻瘦損馬七
十四驢四十四頭牛二十八隻除將臆壯者當
付各馬房官軍用心餒養其瘦損不堪者執役
軍人分別扑責聽戶部議覆外今查各場歷年
放青有春秋兩放者有春放而秋不放有此放
而彼不放有馬放而驢不放者是豈牧有殊地
物有殊性哉况放則樽節草豆不放則輕費錢
糧合無遵依

會典開載各馬房馬匹照舊規牧放三箇月不得
參差放青之月按日估筭照數扣除草價不惟
適物之性亦且節財之糜此最便之道也而點
過瘦損不堪之頭畜照例發順天府變賣銀兩
解貯京糧庫類題買補則疋羸亦易為壯健矣
至於二十四馬房分建近郊

祖宗立法原有深意壩上距京二十里許尤屬要地
昔年荒廢蓁蕪今則修整重新而各馬房年久
傾圮率多敗壁頽垣似宜暫動牧地籽粒銀兩

委廉能官估計修理庶各馬房與壩上大小相
維城堡相錯以拱衛

神京等因天啓五年十二月十四日奉

聖旨諛部酌議具覆欽此欽遵抄出到部送司隨行
福建司并各監督查理酌議去後今准福建司
回稱看得牧地籽粒銀兩係巡青科院專管今
修理馬房工費既經諛科院議請于前銀內動
支似應准從又准監督郎中辛思齊回稱查得
本差所轄黃土等七倉內除裏牛房倉牛隻係

供應

上用乳膳並不放青其外牛房倉吳家駝牛房倉牛
隻俱每年自六月二十一起至九月二十日
止放青三箇月不支料草無容再議外准黃土
馬房鄭家莊馬房北草場馬房各掌廠內監趙
世騰等回稱案查舊有放青地方因嘉靖年間
胡寇犯順人逃地失以致失迷迄今年久並不
放青相沿遂成規例今一旦議行放青將馬匹
驢頭置之何地合無仍照舊規之為便也又湯

山草場馬房內監王志愛回稱查得舊規本馬房原有坐落寶坻縣李回庄草場一處每年馬匹一半自春放二箇月其一半自秋放一箇月俱不支料草驢頭舊例並不放青又准監督員外郎朱明時手本開稱行准霸上南倉壩東倉金蓋倉義河倉北高倉壩上北倉掌馬房太監曹受趙國順劉朝馮允升栗本辛棟等各回稱本馬房下草場地坐落寶坻武清通州等處內有收放大馬地有修繕馬營地有歸縣徵收籽

粒地項數不一其放青一節先年蒙

御馬監題奏各馬房馬匹一半春放二箇月秋間

照例放一箇月截日扣除料草存留馬一半聽

候御馬監調用驢頭舊例原無放青奉

旨遵行已久又據壩上北馬房掌廠太監王寅回稱本馬房下草場地坐落東安縣奉

旨春放青二箇月秋放青並無上草場地并驢頭舊例原無放青又據壩上倉掌廠太監楊承芳回稱本廠無下場地馬匹等畜俱不放青例有上

言古考
四三
場生地三百五頃五十七畝原備

御馬監年例題差僉書太監等官統領 金鞍大

馬於壩上牧放三箇月完日回監萬曆三十二

三等年天雨凶湧廠房坍塌暫停下壩之後近

諛 御馬監題奉

明旨將各馬房生地召地方軍民開墾三年報完方

許徵租除開過及水衝沙城河灘道路并不生

草地外止存生地十頃以備

金鞍大馬牧放本場馬匹等畜原無放青事例又

湖渠馬房等倉掌廠太監康進回稱本場係牧

養擠乳馬匹并驢俱無下場放青雖有地三十

二頃內沙壓水占道路二十頃餘係城地不生

草無從牧放又准監督主事李若梓開稱隨行

本差南石渠倉掌馬房太監李進南石渠西倉

太監李芳名各回稱本馬房原無牧馬地畝春

秋二季並不放青又官莊倉太監白進楊家橋

倉太監周從善渾石橋倉太監張登渾石橋南

倉太監陸進張家庄倉太監劉喜德各稱本馬

房原有牧馬地畝馬匹一半春放二箇月秋放
一箇月截日扣除草料一半聽候

御馬監調用驢頭原無放青奉

旨遵行已久今馬房各地畝近奉

明旨開墾并無牧放之地各等因到司案呈到部該
臣等者得壩大二十四馬房蕃養馬匹羸驢牛
羊等畜總理專於提督協理董於掌貼查點歸
于巡青若夫用心飼秣足其芻豆因時牧放適
其性情期以雲錦遍郊驪黃滿野則各馬房官

軍事也如有瘦損不堪合當變價買補城垣雉
堞坍塌傾頽急宜及時修理至于馬匹一槩放
青三月載在

會典似應遵照奉行但據各馬房太監回稱有馬
匹一半春放二箇月秋放一箇月有牛全放三
箇月有原無牧地并驢頭例不放青又雖有附
近場地原備金鞍大馬牧放近奉

明旨開墾又有沙壓水占道路城地無草可飼者相
沿已久合照近例應放青者照例放青以存節

省原不放青者照例免放以杜紛擾庶可久長
永為遵守既經巡青科臣題議并各馬房掌貼
諸臣查明回覆前來相應覆

請恭候

命下本部移文司禮監轉行

御馬監提督官將點過瘦損馬七十四匹驢四十四
頭牛二十八隻發順天府變賣價銀解京糧庫
買補足額仍嚴行各經管員役加意飼秣各馬
房頽壞處所暫動牧地籽粒銀兩着該監督理

委官照依壩大馬房一體估計修理各馬房放
青馬牛驢頭等畜除原無牧地可放并開墾無
從牧放外應放青者俱照例放青草料截日扣
除如有民破侵剋聽巡青科道官指實題參究
治等因天啓六年四月初四日具題四月初
七日奉

聖旨是欽此

太子太保戶部尚書臣李

等謹

題為陳愚見備賑荒以固邦本事河南清吏司案
呈天啓五年二月十九日奉本部送戶科抄出
巡撫河南等處地方提督軍務都察院右副都
御史程紹題前事又諫巡按河南監察御史楊
方盛題同前事各等因于天啓五年二等月十
五等日俱奉

聖旨戶部知道欽此欽遵通抄到部送司案查積穀
叅罰事例節經本部題奉

欽依通行欽遵在案今據前因案呈到部諛臣等看
得積穀所以備荒歉獎罰所以昭勸懲蓄儲溢
額與及數者固當分別獎勵積貯全無與缺額
者亦宜照例示罰既諛撫按查明天啓三年分
應積穀數各官會題前來相應依議覆
請恭候

命下本部移咨河南巡撫及咨都察院轉行巡按御
史除積穀數少三四分以上魯山縣病故知縣
盧焯舞陽縣被論知縣尤翺溫縣被論加銜知

州馬貢項城縣丁憂知縣麻如蘭邳縣被論知
縣王紹翰積穀數少五分獲嘉縣被論知縣高
奇英積穀數少七分以上澠池縣被論知縣林
廷著積穀全無孟津縣被論知縣靳光宇以上
八員姑從免議外為照額外多積三百石以上
通許縣見任知縣安良澤襄城縣見任知縣張
夙行儀封縣見任知縣許國翰以上各官經畫
殫心積貯踰額倉廩之儲蓄既裕歲時之荒歉
有資例應議獎以勵勤能至如林縣陞任知縣

唐恒吉積穀數少七分以上例應罰俸八個月
伊陽縣署印汝州見任同知曹司鉉積穀數少
五分例應罰俸半年宜陽縣見任知縣王廷議
積穀數少四分以上例應罰俸三個月若係陞
任者行見任衙門扣罰罰過月日不准實歷罰
過俸銀解部濟邊其欠積穀石仍應行令見任
各官照數補積本部仍咨吏部知會庶勸懲明
人心勵而積儲益充荒歉有賴矣等因天啓五
年三月十二日具題十五日奉

聖旨是欽此

太子太保戶部尚書臣李

等謹

題為宗祿勢難再加限法斷在必行謹覆申
俞旨以重

明綸仍酌議長便之法以消隱憂事江西清吏司案
呈奉本部送天啓五年五月二十九日准禮部
咨開巡按江西監察御史田珍題稱

宗祿一節加無可加借無可借勢已處其極窮法
不容以不斷查得萬曆二十九年三藩祿銀止
共一十二萬六千二百有奇至四十七年則增

至二十萬六千七百六十餘兩二分而加其一
已為民困然猶曰十九年積漸所至也尋至於
今不過五年而一歲所出已需至二十一萬之
多乃一歲所入又不過十八萬九千八百有奇
耳出浮於入額外之數從何措給且年來京邊
遼餉等項急如星火各縣多係那移別解正額
拖欠又復不少則有盡之帑藏安能供無窮之
生齒而所欠之數又宜為區處計惟有復兩關
上水之稅及量復臨建二府之新稅而已按贛

州兩關萬曆年間上下水並徵迨泰昌元年盡
撤上水致人有不平之嘆誠復此稅歲可得萬
五千金但選委府佐輪管一年責成甚便即增
復上水前數以濟

宗祿固易事也又臨建二府權稅新舊共計五千
七百有奇泰昌元年新稅停止二府止存古額
落地稅銀八百餘兩以為

益藩修理

府第之資但二府稅銀前此新增固屬太多今仍

言音考
舊額似覺太少合無俯念諸宗貧困已極於前
免新稅四千八百餘兩之中減一半以恤商存
一半以給祿親親仁民庶兩得耳緣錄到部送
司查得江省額制之祿糧供日蕃之

宗室苦于不給致諫布政司仰屋徒嘆計無所出
今該省巡按目擊時艱悉心體訪將贛州兩關
已停之稅查萬曆年間上下並徵至泰昌元年
奉

旨盡撤上水致人有不平之歎誠復此稅可得一萬
五千之金又臨建二府權稅新舊共五千七百
有零泰昌元年停止新稅只存舊稅八百餘兩
以為

益藩修理

府第之資前停新稅四千八百餘兩之中減一半
以恤商存一半以給祿本司熟籌
宗祿告匱之時為斟酌恒足之計使

天潢之派沾

朝廷敦睦之仁相應題覆似萬分不容緩者其贛州

言音考別
上水并臨建二府已停之稅共計一萬七千有
奇合無照依該省巡按所

請具覆開徵抵充

宗祿案呈到部看得

天潢之生齒無窮而地方之歲額有限按臣念切

宗藩悉心籌畫所

請開稅以抵常祿之所不足誠為權宜至計合無將
贛州兩關上水并臨建二府舊有之稅照依按
臣所

請開徵抵充

宗祿輪委府佐管收領均之管收也一年不如一
季均之輪委也別官不如推官欲無染指充囊
悉心體

國非一季一換專委廉幹風力推官不可是在撫
按臨時酌定耳既經按臣具題前來相應覆
請恭候

命下臣部咨行江西撫按及照會該布政司將臨建
二府之新稅起徵一半及贛州兩關上水之稅

言音考別
查照舊額共計一萬七千餘兩按數開徵抵充
宗祿之用仍嚴禁經管員役自天啓六年為始每
年惟取足額毋增耗羨而

宗祿急需或亦有補矣等因天啓五年六月二十
日具題本月二十三日奉

聖旨是欽此

太子太保戶部尚書臣李 等謹

題為三晉危形已著人心惴翫當懲略陳地方緊
要機宜仰祈

聖明嚴旨申飭以彰法守以重責成事山西清吏司
案呈天啓五年三月二十六日奉本部送戶科
抄出山西巡撫柯臬題前事內稱平定州盂縣
壽陽縣三處俱山谷阻深夙稱盜藪近又獮賊
流劫撥兵鎮壓其繕造營房工料盈甲器械等
項皆係諛省酌議又云太原府屬站銀俱是平

言音考
陽府屬協濟痛癢漫不相關今照河間府之法
有驛縣分以京邊銀兩兌給夫馬隨以無驛縣
分協濟銀兩抵解京邊並載考成庶無軒輊等
因天啓五年三月二十二日奉

聖旨諛部知道欽此欽遵抄出到部送司案呈到部
看得繕造管房盈甲器械等項事屬工部應聽
諛部議覆外所有太原府屬站銀俱是平陽府
屬協濟此

舊制也例應依期徵解以甦憊困緣何解濟不時催
檄竟成畫餅今撫臣議照河間府之法誠為便
計嗣後即將有驛縣分京邊銀兩兌給夫馬隨
以無驛縣分協濟銀兩抵解京邊載入考成如
有不完依例叅罰庶人心警惕而驛站得以少
甦既經撫臣議擬前來相應覆

請恭候

命下臣部移咨山西巡撫及咨都察院轉行山西巡
按御史一體欽遵施行等因天啓五年四月十
八日具題二十一日奉

聖旨是欽此

太子太保戶部尚書臣李

等謹

題為黔瘠異常窮山坐困謹遵便宜措餉

明旨酌開事例以濟軍興事山西清吏司案呈天啓
五年六月初九日奉本部送戶科抄出總督軍
務巡撫貴州兼制湖北湖南川東川南雲南廣
西附近等處地方兼理糧餉兵部右侍郎兼都
察院右僉都御史蔡復一題前事內稱要將
勅下該部覆議准照各款定額行臣等遵守上納銀
兩軍前開銷備造青冊送部科查考等因天啓

五年六月初四日奉

聖旨諒部知道欽此又天啓五年六月十九日續奉
本部送戶科抄出巡按貴州監察御史傅宗龍
題同前事等因天啓五年六月十四日奉

聖旨開事例以濟軍興着諒部即與議覆以便遵行
欽此欽遵通抄到部送司案呈到部又准兵部
咨前事移會臣部即與覆行蓋因武職雖隸兵
部而納職加銜事例總屬臣部也諒臣看得黔
事再壞黔兵餉缺督按兩臣策所以資黔餉者

無如屯田鼓鑄二端而策所以資屯鑄者惟在
開納事例一項可以借涓滴而救然眉仍欲寬
其途損其價以示招徠誠萬不得已之計也臣
部方愧無兩粟點金之術尚敢執守株膠柱之
說况既行之於遠亦何敢獨吝於黔但就其中
款項不無一二可議者如廩增等生納貢童生
納廩增等生在援遼事例則納貢必須廩生仍
論其食糧年分科舉次數以為差等童生亦止
許納附學並無許納廩增之例若增附亦可納

言音奏疏
五七
貢則人懷倖心幾令庠序半空不知此幾許貢
生異日安放何所童生等生亦可納廩將遂給
餼廩逐隊挨貢乎抑置之也况既可納廩亦可
加貢貢又不知幾千百矣此科臣段國璋所以
謂其計值甚廉取效甚奢濫名器而褻

國體也難槩允從其餘款項如武職事例一貴州
各衛所應襲指揮納銀八十兩千百戶鎮撫土
司納銀六十兩聽談督勘結明白一面令其冠
帶管事一面移咨兵部襲職免其赴京守候一

加銜守備納銀六十兩加銜都司納銀一百一
十兩加銜參將納銀一百四十兩納銀完日先
給劄付軍前効用每於六月十二月彙題聽候
敘功陞授其開納文職并貢廩監儒事例如省
祭加府經歷納銀二百六十兩加外縣縣丞納
銀四百五十兩加外縣典史納銀一百八十兩
以上凡省祭過一年者各免銀十兩如外衛經
歷改加縣丞納銀二百二十兩府經歷改加縣
丞納銀二百兩倉巡驛丞改加縣丞納銀三百

三十兩以上願改者已任未任同例一吏役未
歷三考加外縣典史納銀二百二十兩農民徑
援例者納銀三百二十兩一監生加京衛經歷
納銀三百四十兩加外縣縣丞納銀三百六十
兩其監生吏員曾經劣轉未掛考察者俱照各
行加納一黔人應選衛經歷倉巡驛丞等項路
途跋涉艱阻願就黔官者納銀八十兩撫按量
才授地移咨吏部註選一廩生納監銀一百二
十兩增生納銀二百兩附生納銀二百五十兩

青社寄學禮生納銀三百兩俊秀子弟納銀三
百五十兩一監儒已經掛選或已授任願改名
色者監生改貢納銀六十兩儒士改貢納銀七
十兩一三考曾授冠帶聽選或已授任願改儒
士名色者納銀五十兩一吏承援納役滿未經
赴部已領咨者納銀三十兩准其給劄冠帶軍
前効用仍候六月十二月彙題換給單引照例
省祭限滿各依行頭起文赴部聽選以上各款
雖與臣部多寡互異然此係窮黔急需若非少

有透減誰肯樂從應照督按議擬暫行開納或
令其納銀為糴費或令其買米上倉照依時價
折筭每十兩減納腳費二兩一聽該督便宜舉
行上納完日咨送臣部轉咨各部仍每季一次
細造青冊送部科查考凡此固不應隘其途以
沮其來苟漫無限制恐四方奸猾之民競慕減
便趨之如鶩太倉事例不幾化為烏有乎今止
許該督節制所及自全黔外如湖北湖南川東
川南雲南廣西附近等處准照例援納而節制
所不及者不與焉於權宜補救之中稍寓愛惜
名器之意就招引無方之內畧示此疆爾界之
分斯亦兩全無害之道也既經督按會題前來
謹為虛心酌議覆

請恭候

命下臣部移咨黔督及咨都察院轉行巡按御史一
體遵奉施行等因天啓五年七月初六日具題
本月初九日奉

聖旨是欽此

今日...

...

...

...

...

...

...

...

太子太保戶部尚書臣李等謹

題為犒師製器設處計窮謹

請暫復新裁額設錢糧以濟軍興事山西清吏司案

呈天啓五年八月二十一日奉本部送准總督

薊遼保定等處軍務兼理糧餉經畧禦倭兵部

右侍郎兼都察院右僉都御史吳用先咨稱案

查前部院題

請暫復先年裁省義兵抵充軍餉銀五千兩為犒師

製器之用自四十六年為始至平奴日為止復

言音考
奉

欽依欽遵在卷及查天啓四年請發者犒賞已盡所
有天啓五年銀五千兩相應照例咨請煩請查
照即將前部院題復銀五千兩照例希速題發
以濟犒賞之需統俟平奴之日仍抵充軍餉施
行等因到部送司查得前銀已經題復應於山
西鎮兌留充作客兵軍餉銀內照數分撥以充
義兵犒賞支用案呈到部看得前項銀兩係犒
賞軍需委當給發既經總督衙門咨請前來相

應依擬題發恭候

命下本部移咨倉場總督及劄銀庫查將庫貯濟邊
銀內照數動支五千兩仍咨薊遼總督揀差廉
慎的當官員齎執印領赴京領回該鎮餉司交
割以備天啓五年犒賞支用仍將收過數目回
報查考等因天啓五年八月二十九日具題九
月初三日奉

聖旨是欽此

太子太保戶部尚書臣李

等謹

題為邊鎮告急日甚外解虧缺滋多

內帑空乏終非久計邊政經理宜求長策懇乞

聖明勅諭督撫諸臣共軫

國計求濟時艱以重兵食以杜亂萌事山西清吏

司案呈天啓五年十一月初六日奉本部送戶

科抄出巡撫大同地方贊理軍務都察院右僉

都御史張樸題稱據河南布政司呈將天啓二

年分所屬府州縣額解大同鎮軍餉見徵帶徵

已未完數目并經營各官職名造冊到職據此查得河南布政司所屬見徵天啓二年額該折色銀五萬七千六百兩內已完銀五萬六千三百五十四兩六錢二分未完銀一千二百四十五兩三錢七分以十分為率已完九分八厘未完二厘帶徵萬曆四十六年起至天啓元年止共拖欠折色銀九千三百七十六兩五錢內應帶徵二分今全未完緣俱加派遠糧地方遵奉近例加派遠餉一年暫免帶徵一年臣隨覆行

戶部管糧分司考對已完實收相同所據經營官員未完錢糧合應分別叅懲會同宣大山西軍務兵部右侍郎馮嘉會議照雲鎮軍餉半仰給於民運邇來輓輸愆期庫藏空匱窮邊戍卒嗷嗷待哺則彼有司玩視

功令急緩催科之所致也按例查叅復何容喙謹照原冊逐加叅酌除府印官見徵未完不及二分者免議外如原武縣被論知縣潘張經催見徵未完五分以上應照新例降職三級戴罪督

催鄭州被論知州鄒孟都經催見徵未完六分
以上應照新例降職三級起送吏部調用延津
縣改選知縣薛承沂澠池縣被論知縣林廷著
各經催見徵全未完解例應革職為民但查潘
張鄒孟都俱經論去無庸追議惟薛承沂赴部
改選林廷著雖經被論仍應照例議處革職為
民以警積玩者也除造冊咨送戶部查照外相

應題

請伏乞

勅下戶部再加查議覆

請定奪通行撫按并臣等遵奉施行等因天啓五年
十月二十九日奉

聖旨戶部知道欽此欽遵抄出到部送司案呈到部
看得邊鎮錢糧關係甚重民運額餉向給予鄰
省值今東西交訐軍士待命匱乏日甚徵解不
完有司秦越異視以致積欠數多既經督撫會
題叅罰前來相應查照新例覆

請恭候

命下本部移咨大同督撫及咨都察院轉行巡按御史將已經察處等官免議外合將見徵全未完解改選知縣薛承沂被論知縣林廷著應照新例議處革職為民其未完錢糧嚴行接管官設法催徵勒限完報本部仍咨吏部知會等因天啓五年十一月二十八日具題十二月初二日

奉

聖旨是欽此

太子太保戶部尚書臣李 等謹

題為 國計匱極嚴催事例銀兩以濟軍需事山

西清吏司案呈竊以疆場多故計儲如掃軍興

浩繁搜括已竭計無復之因開事例望銀之入

不啻救焚拯溺時刻難緩查得南京戶部撥納

一例自天啓二年九月董鯤化等起至五年十

二月李天德等止共計九百二十六名實納過

銀二十九萬八百二十兩屢行催解視為虛文

至今五載未曾解到錙銖急公之謂何目今軍

言音考
興之費東西交急九邊荷戈之士經年枵腹即
涓滴可掬然眉乃銀至二十九萬餘兩不知皆
歸何處合行亟催等因到部該臣等看得南部
與臣部署分南北均司

國計誼當同舟共濟乃視援納之例若為不得已若
專為南部而開屈指四年於今計銀積至二十
九萬先後催督如石投水竟無分銀解到使

朝廷受鬻爵之名邊徼之飽騰之惠甚非南北一體
緩急相須大義聞該部向來管庫之臣動用此
項銀兩皆不關白堂官不繇堂官批示令堂官
皆不知有此銀任其動用見今署印左侍郎區
大倫才裕匡時忠懷體

國必能徹底根究一一補解後更無欠臣迫艱匱
萬不得已為此查

請伏乞

勅下臣部轉行南京戶部除新餉司東征事例留作
鑄本外其係山西司者星速起解庶事例不至
畫餅而軍

國可收實用矣等因天啓六年二月初二日具題

本月初五日奉

聖旨是欽此

太子太保戶部尚書臣李

等謹

題為兵馬單弱異常軍資匱乏已極綢繆無策呼

籲宜先以暢情形以圖補救事山西清吏司案

呈天啓六年四月二十九日奉本部送戶科抄

出提督鴈門等關兼巡撫山西地方都察院右

副都御史曹爾楨題前事等因天啓六年四月

二十五日奉

聖旨戶部知道欽此欽遵抄出到部送司案呈到部

該臣詳看原疏大要為山西一鎮兵單餉缺京

言音考
運積欠銀一百六萬五百六十七兩民運積欠
銀二十八萬八千有奇以致三關軍士枵腹十
月無糧檄行府州縣嚴法根究在官在民務令
完解又恐民窮財盡猝難應急亟

請京運及懇留抽扣雜項二節繩繩千餘言操慮甚
長持議甚確臣敢不虛心參酌為

皇上圖邊疆遠畧乎唯是外解近經累月分毫不至
臣憂心如炙望眼欲穿差官分催時踰兩月議
罰撫按復奉

明旨各諉省直宜念時事貼危慨然於同心之義不
終延緩坐視邊陲之急而不為之救外解至臣
即當刻給發以應撫臣之

請若民運逋欠數多則聽撫臣設法催督照例查叅
振起積玩喚醒久寐之人心庶克有濟及查抽
扣雜項等銀原為遼餉而設即今奴鋒被挫積
恨愈深豺狼之性更圖復逞造船修器過河之
報節次見告值此累卵之秋緊急之日安敢以
關門之需借作邊餉致開他省比例之端伏乞

言古奏疏
二十九
聖裁勅下臣部轉行諛省巡撫照舊催解用備遼餉
民運自行督催京運俟臣部催督到即給發等
因天啓六年四月二十九日具題五月初二日
奉

聖旨這抽扣襍項銀兩係遼餉急需豈得議留着諛
省撫按仍照舊催解不許稽遲諛部知道欽此

太子太保戶部尚書臣李

等謹

題為宣餉積欠愈甚官軍萬分難支懇乞

聖明亟賜催發以濟燃眉事山西清吏司案呈天啓
六年四月十五日奉本部送戶科抄出總督宣
大山西等處地方軍務兼理糧餉兵部右侍郎
兼都察院右僉都御史張樸題前事天啓六年
四月十一日奉

聖旨邊餉重務積欠視為故常地方官所司何事這
宣鎮民運餉銀便行與諛撫按嚴督司府作速完

言書奏別
解如再稽遲一體叅治還立限與他戶部知道
欽此又談巡撫宣府等處地方贊理軍務都察
院右僉都御史張曉巡按直隸監察御史張素
養題同前事天啓六年四月十三等日俱奉
聖旨已有旨了談部知道欽此欽遵抄出到部送司
案呈到部看得

國家足食所以足兵邊塞必有備乃能無患查宣
府節年京餉積欠八十萬七千一百九十餘兩
民糧積欠九十二萬六千九百餘兩大同節年

京餉積欠二百六十七萬二千七百九十餘兩
民糧本色積欠七千六百七十餘石折色積欠
一百三萬七千九百五十餘兩山西節年京餉
積欠一百六萬五百六十餘兩民糧積欠三十
二萬四千三百九十餘兩士馬特餉以生節欠
如此其多是欲軍士吸風餐露也至究逋負之
繇實緣各省直有司見任者僥倖于三年之考
成駕言以蒙上代庖者模稜于五日之京兆故
縱以博名等邊計如弁髦視催文為故紙臣部

言音考
即泣血嘔心何濟于用不得已而差官守催又
不得已而議罰撫按臣之心力竭伎倆盡矣細
查督撫按疏開民糧積欠較京餉尤多京餉可
力疏

請民糧可獨寘不查叅乎除京餉積欠臣部見差司
官分催并請

旨查叅撫按俟有解入自當酌量各欠邊鎮亟發不
敢一毫久留一日稍緩外所有積欠民糧在諛
督撫亦應嚴督催併照數查叅庶中外相成諸

省直惰窳知警軍需不苦匱詘如今日矣相應
題

請申飭恭候

命下本部通行各處撫臣及管糧郎中等官各將本
鎮額餉係各省府州縣衙門無論本折細查完
欠數目行會各省布政司都司及直隸等府衛
備開經管職名限六月內將拖欠等處官員叅
奏前來容臣部分別年分銀數覆

請處分毋以姑息而托空言勿以彼此各相推諉庶

軍

國之大計有裨臣等之焦憂少釋矣等因天啓六年四月二十二日具題本月二十七日奉聖旨是欽此

太子太保戶部尚書臣李

等謹

題為庫支日增外解日緩謹據實直陳仰祈

聖明勅令嚴催以濟急用事冊庫案呈天啓五年七月二十四日奉本部送戶科抄出巡視太倉銀庫工科等衙門左給事中等官楊所修等題前事等因天啓五年七月十八日奉

聖旨外解不至何從接濟着行各撫按嚴催完解以濟急需至于關兵既汰每月實兵實餉亦須開報明白以見省餉幾何戶部知道欽此欽遵抄出到

部送庫奉此除關門汰兵省餉一款即付新餉
司會覆去後隨准付稱關門兵馬屢經臺省交
草清汰俱談本部覆奉

明旨專責巡關御史查核清汰俟其查核到日即可
具奏至于兵餉一節五六月分俱已全完而七
月者見發五萬以後外解有到即發本部已于
樞輔疏題覆明確矣其外解拖欠立法嚴督相
應議覆案呈到部談臣看得

國家錢糧因入為出今歲上半年解入較舊年少
銀一十二萬一千四百有餘而出較舊年則增
京軍改折米銀一十三萬七千九百餘兩似此
縮者屢縮增者屢增臣部不能點鐵成金其何
能支哉宜巡視臣之蒿目而憂焦心而計也至
謂錢糧延緩多因正官入

覲署官推諉轉調新選又不即肯赴任催科無人以
致外解拖欠欲撫按嚴查署官任內經營錢糧
完欠分数照例叅處仍責復任并新官到任上
緊完解另行考成誠憂時之盛心救時之藥石

言音考
也乃臣部業于本年四月內題奉

俞旨每歲兩行查叅責成守巡道臣供報所轄府州縣經徵官職名催償額餉錢糧如仍延緩不完定于本年冬季查叅屢次檄催不啻穎禿無柰內之叫呼已迫外之周聞如故上下相諉情竅成風非微

天語申飭恐不足警積玩之人心而立就振勵臣請嚴旨責成各省撫按令守巡道臣嚴查所屬府州縣原額錢糧速催徵解一面將各官職名完欠數

目并署印官一併造報臣部照例議處其復任新選者俱不得假道回籍優游畫錦時事孔亟諒為臣子者具有同心臣部不得不借重于撫按嚴飭各道速行催解也既經題

請前來相應覆請恭候

命下臣部行文省直撫按責成守巡各道務在嚴查速解濟急倘仍視為故事臣部即將天啓四年與五年春夏二季不完錢糧于冬初遵照題

准新例一併參處斷不拘情寬假等因天啓五年八
月初三日具題本月初六日奉

聖旨是欽此

太子太保戶部尚書臣李

等謹

題為邊儲匱乏已極外解屢催不至伏乞

聖明嚴旨督催以濟然眉事冊庫案呈到部該臣等
看得奴酋未滅關門新餉固自當急虜患叵測
九邊舊餉亦自難緩乃今省直有司若謂關門
當防而九邊之防禦可無庸者關門新餉應完
而九邊舊餉可罷徵者置督催於罔聞玩考成
於不信除北直隸并山東一省同心共濟急公

體

國容臣另疏優敘外其餘從春至冬經年無分銀之解入臣部於邊餉從夏至冬三時無一季之給發邊軍苦矣亦足憫矣臣部苦矣莫可支矣然則悞邊坐致悞

國者非他人臣也其實悞邊因以悞

國者非臣也各省直也天下無不食不饑之人豈邊軍可獨不食不饑饑寒切身雖父母不能保其子豈邊臣獨能保其饑寒之軍何弗思甚耶萬一變起脫巾邊疆事至決裂臣罪難辭臣百方叫苦大聲疾呼率皆秦越視之而膜外置之或亦非忠於為

國之義恐諸臣罪亦難辭時距年終叅罰僅僅月餘卽州縣經徵職名亦屢咨取不報可如之何臣日夜嘔心不知計所從出故敢再疏上

聞伏乞

嚴旨責成各省直撫按嚴行所屬府州縣速將天啓四年分與五年春夏二季錢糧依臣前疏通限十一月終盡數解部如至期不完臣照前疏叅

處毋以為過刻其經徵職名更星馳開報毋以
為可緩等因天啓五年十一月二十三日具
本月二十九日奉

聖旨外解不至屢旨催督如何不遵着各省直撫按
嚴行所屬將天啓四年及五年春夏二季錢糧通
限歲裏解部如再遲悞指名叅治不饒欽此

饒

太子太保戶部尚書臣李

等謹

題為蒙

恩簡拔敬竭芻蕘伏乞

採擇以贊

聖明綜覈清平之治事冊庫案呈本月十六日奉本
部送戶科抄出南京雲南道試監察御史梁克
順奏前事于天啓五年十月二十八日奉

聖旨驛傳屢旨申飭又懸之賞罰使掛號應付者凜
凜畏法庶宿弊可清錢糧法在考成然必吏部與

戶部同心凡經叅罰者不得登膺仕而後考成如有實效吳玄滿腔忠義一意孤貞亟宜破格起用梅之煥已經削奪還着撫按照原叅疏提問追贓趙時用與周朝瑞黨薦熊廷弼仍堪經畧陳以聞作令貪酷被察賄結高攀龍引入趙南星躡陞工部又日夜與汪文言伐異黨同一降級豈盡其辜都着削了籍為民當差仍追奪誥命諛部知道欽此欽遵通抄到部送庫奉此查得御史梁克順疏內一款則壞成賦歲額原自不等而瘠薄之處

處又各以下疲中疲上疲分即考成之法且或以九分八分七分計即凋疲豈盡虛無人之境耕凋疲之野豈盡石田不毛之地欠少者奪俸而名不損且竟以超遷逋多者落級而籍未黜又隨以崛起緣飾者泄泄於輸納一任姦欺之窟穴或見為撫字之真悃悞者兢兢於徵解稍繩豪強之逋負動中以催科之擾若是而望人盡怵志於拖欠盡堅意於催徵乎宜

命戶工各部會同吏部咨行各該撫按查照申飭考

成之法著實舉行不但以年以季分務令以月以日計勿令顯干叅罰者仍叨膺仕而又嚴耗羨之禁謹侵欺之防實為疲地選甲科之官調才明之吏謂錢穀終不可完臣不信也等因事係本部相應題覆案呈到部諛臣看得考成之法屢經申飭不啻詳且嚴矣乃叅者自叅欠者自欠則以其法雖詳猶未盡詳雖嚴猶未盡嚴故也細查查叅例但嚴於見任而寬於陞遷則俸深應遷者孰不急於謀遷委逋負於後來例止嚴於正印而遺於署印則一切署印者孰不急於充囊置催科於不問陞任官止免降革餘例皆照見任無所假貸臣已題奉

欽依署印官日有遠近應併計筭日期一體叅罰臣前未之或及至凡經叅罰官不得仍登膺仕則臺臣之見出臣意表非臣識慮所能到也時口踰冬一歲將終九邊軍餉三季盡缺臣憂心如煎常至通宵不寐坐致痰火大發嘔吐不止困卧床褥日事醫藥雖十日一咨五日一檄竟

言音考
能徼其一應而有分銀之解臣柰何哉臣
者

朝廷國計所慮壞者

朝廷邊疆在外諸臣既不信催督又不信考成既不
為臣部慮亦不為

朝廷慮臣柰何哉伏乞

皇上鑒察九邊臣部勢萬難支

嚴旨責成兼

勅叅罰勿獨寬於陞任署印併新奉

旨已經叅罰官不得登臚仕再賜

天語叮嚀重申

異命邊鎮幸甚臣部幸甚等因天啓五年十一月

十八日具題十二月初二日奉

聖旨外解遲悞皆因叅罰不嚴考成不信你部移

各該撫按勒限推督指名罰治務使法在必行
以濟軍需欽此





